



冬心先生續集自序

康熙癸未予年十七習聲韻之
學同里項二丈霜田引爲小友
每遇耆英宿儒高會輒褰裳從



之嘗云子詩度越時彥舉體便
佳梵夾道藏不可偏廢惜吾老
矣未得見子他日成大名也西
湖後嶺水樂洞聞有詩僧亦諳

已公之亞青鞋布鞵常造精廬
得由呈佛旬日忘返又南山之
南吳慶伯徵君隱居徵君閉關
却軌著書比牛腰粗波娑壁壁

隔月昇軟輿過談亦諳禪窟見
予林逋墓上作謂亦諳曰吾新
營生壙宜乞此子寒瘦詩阿師
爲吾乞之吾以高辛氏銅盤太

康玉辟邪相報百載後吾幽光
藉之不泯也丙戌四月渡羅刹
江訪九十一翁毛西河太史至會
稽探禹穴觀窆后作九言詩太

史激賞誇示賓坐曰吾年逾老
耄至景迫崦嵫忽覩此郎君紫豪
一管能顛狂耶丁亥戊子間讀
書吳中何義門先生家先生言

吾門儁乂衆多擅麀角之奇惟
斯人五七字詩儼然孟襄陽顧
華陽流泝時秀州朱竹垞檢討
在慧慶寺主東南詩盟予懷刺

大のし
往謁檢討出迎笑曰子非水周林
張高士宅賦木蓮花錢唐金二
十六乎子之詩吾齒雖衰脫猶
能記而歌也予頻年喜遊屢遊

長興下榻邑長鮑西岡十四兄
官舍賡唱迭和大雷山小沈瀆
都題滿矣西岡曰君詩有僊骨
神竦氣王無蓬蓬塵湯西屋少

宰評君爲獨產醴泉芝艸何須
根源前輩鑒識真不虛耳辛丑
首春浪遊揚州謝秀才前義拜
袞之歲已馳譽江表不可一世

見予景申集雕本槌壁發癩曰
吾目光如炬不輕讓第一流何來
狂夫奪吾赤幟余葭白舍人揚
州之領裏也嘗千金結客置酒

六の十一
爲樂醉後睨視捋予鬚曰天下
撐腸拄腹卷軸勝于君者不少
如君詩無一賤語豈可得哉程
友聲汪篋先兩上舍頷之以爲

知言予客揚州最久朱布衣貫
男貧交詩友也貫男嚴冬擁敗
絮僵卧破屋中日楚不爨噤痺
拭涕磨竈龜煤苦吟缺脣瓶梅花

啾啾有鬼語自詡曰寒郊夜哭
天不爲吾雨粟乎鬼語騷雅之
變世間詩作乞兒語纔可恥耳
時于菴白前義所讀予詩則下


拜曰此金齏龜頂上人雍正癸卯
夏五予赴萊東道經臨淄邂逅
趙秋谷詹事偶一接論索予詩
啞啞撫掌曰子詩造詣不盜尋

常物亦不屑效吾鄰家雞聲自
成孤調吾老眼慵開今日爲子
增雙明也歲乙巳客于澤州陳
幼安學士四載相國午亭留詠

殆遍即中條王屋無處不大膽
題詩也學士歎曰吾不幸十六
中進士領芸局翱翔禁庭十年
而罷歸不深讀書今每夜一鐙

大の千
九
相對受益良多君鄉查翰林是
吾後進兔園挾冊吾最薄之君
詩如玉潭如靈湫汲綆之施不息
不窮君非吾友實吾師也從此

執業稱詩弟子矣甲寅八月歸
安明府表魯青招予遊吳興吳
興予舊遊地明府愛予陳武帝
故里曲特有矯異命縣吏鈔一



P11

通令其子誦之乾隆元年開博
學鴻詞科明府薦予姓名于節
鉞大夫遂到都門徐澂齋編修
爲舊契嘉定張南華與澂齋同

寺見君風氏園古松歌病虎痴
龍造語險怪蒼髯叟近雖摧伐
更想詩人不易逢也君善八分
遐陬外域爭購紛紛極類建寧

光和筆法曷不寫五經以繼鴻
都石刻吾當言之曲阜上公請
君君不吝泓穎之勞乎戊午除
夕泊舟西江滕王閣下尋吳處

士鏡秋鏡秋工樂章賀鬼頭姜
散仙直似之予詩四卷鏡秋爲
予箋注云黃金十餅明珠一簞
何足取貴君之詩磊磊焉落落

焉始足貴也丙寅予在新安適
臨川李穆堂侍郎來遊黃山春
風杖履共話曩昔乃云君刻集
自稱冬心先生吾謫居京師時

曾諾君作記記古人自稱先生
者四十九家今可以償夙願矣
若君詩較顏轅謝舍任吐沈久
播人口吾不復稱說也烏虜諸

公先後奄逝墓木俱拱予亦年
將七十矣追念長者之言不勝
慙汗被于頹頹世之身上壽而
操觚者未必薦愛區區若是其

心傾倒耶予編續續集上下卷
成因抒徃事迹之簡端

乾隆十七年歲次壬申二月十
日雪中錢唐金吉金撰

昨秋八月既望厲二樊榭自揚州歸語我曰兄見金二十六自序其續集之文乎大怪絕語語皆述陳人之言類點鬼

簿然自佳不拾人牙後一字不一涉操觚家蹊徑見髯耳老屈彊處聞渠臘尾返家江行必質之子矣予曰唯然魏武

感喬玄一言遂有車過腹痛
之語蓋深悼知己之不易也
況文人自昔工于傾敝求一寓
目即生嫉妬者已如星中月

況能舉其所得譽之終身者
乎況其人已往其語尤可念乎
未幾樊榭下世予哭之失聲且
遷怨髯老之詩之異何稱之

者遽爲陳人也耶今春人日
髯來請曰予將開雕予續集
先雕此序君書足張我軍請
勿憚指腕之勞也嗟乎予愛

髯詩未後諸老往往能舉其
全篇尤愛其七字四句之作
以爲風調頓挫別擅酸澁三
唐以還無是作矣然有予甚

喜者顧不見之集中何耶每
欲手鈔其七言絕句都爲一
卷時得披詠會阻多病今其
請勤勤予何可辭乃語髯曰

子援東萊趙詹事鄰雞之語
應指新城特新城未見子耳
使見之其傾倒必有出于羣
公外者奈何承天水公陽秋

口吻乎髯無以對第曰予衷
中一瓣香後未爲過去賢劫
諸佛拈却子言良是行當爲
蠶尾老人作最後之供以懺

此罪過予但爲我書此毋作
豐干老古錐也予乃一咲罷
去日來風雨經旬頗多暇逸
因滌南唐所琢羊鬥嶺石硯

試晶陽子天關煤為錄竟此

序計一千三百六十有六字

云

乾隆十八年歲次癸酉春三

月望日同里友弟丁敬身并

記于硯林

山陰陳又民刻字

